



**UNIVERZITET  
U NOVOM PAZARU**

**Br.: 460/22-3**

**Datum:10.05.2022.**

**MEDIJIMA**

**Saopštenje za javnost**

Poštovani,

Danima nakon održane akademije Univerziteta u Novom Pazaru, koja je protekla, onako kako priliči dvadesetogodišnjici Univerziteta, u duhu sakupljanja oko univerzalne vrijednosti obrazovanja, stavljajući po strani sve političke razlike, a na kojoj su se pojavili i istu ispoštovali predstavnici Predsjedništva i Vlade R. Srbije, ministarstava, ambasada, te svih lokalnih političkih i drugih društvenih faktora, Univerzitet i njegovi zaposlenici, kao i Islamska zajednica u Srbiji, na čelu sa muftijom dr. Mevludom Dudićem, trpe sinhronizovane napade pojedinih ljudi. Od ljudi koji za vrijeme života rahmetli akademika muftije Muamera Zukorlića, posebno u zadnjim godinama njegovog života, nisu mogli ni da mu priđu i fotografišu se i čija su eksponiranja na medijima u ime institucija bili strogo zabranjeni, dali su sebi za pravo da komentarišu rad Univerziteta i rad Islamske zajednice u Srbiji, prijete i targetiraju ljude u ovim institucijama.

Ovim saopštenjem Univerziteta vas obavještavamo da nećemo dozvoliti da Univerzitet bude radikalizovan od strane bilo kojih struja unutar ili izvan Sandžaka, i zaštitu ćemo tražiti od organa Republike Srbije ali i od međunarodnih faktora, jer je Univerzitet od samog osnivanja baštiniio različitost i tako će i ostati. Takođe, nećemo dozvoliti da Univerzitet postane igračka ni jednoj političkoj partiji, odnosno, Univerzitet će se boriti za vrijednosti slobode kritičke misli i univerzalnosti.



**UNIVERZITET  
U NOVOM PAZARU**

Univerzitet i dalje vode ljudi koji su godinama bili uz akademika muftiju Muamera Zukorlića, borili se rame uz rame, sve vrijeme, bez odmora i oklijevanja, na svim poljima na kojima je on zahtjevao, ne sa daljine i iz hladovine, ne obavljajući tehničke radnje već strateške poslove, tik uz njega, a borbe su se vodile na mnogim poljima.

Što se tiče akreditacije Univerziteta, to je borba koju su iznijeli prvenstveno akademik Muamer Zukorlić, predsjednica Univerziteta Elma Elfić Zukorlić, Refik Šećibović, rektor Suad Becirović, prorektori Amela Lukač Zoranić i Muzafer Saračević, rukovodioci departmana, nastavnici i saradnici koji su vrijedno radili na tom zadatku i posebno se zadnje dvije godine lavovski borili.

Svako ko je poznavao rad akademika Zukorlića shvatio bi da je on živio u 21. vijeku, ne u feudalnom, plemenskom dobu, i shvatio bi da su najveća vrijednost ovog vremena upravo institucije i ljudi u njima koje je on imenovao i iza sebe ostavio.

S poštovanjem,

Informativna služba